

IN ELECTIONE
JOSEPHI II.
ROMANORUM REGIS
ORATIO

HABITA
IN COLLEGIO ROMANO

ANNO MDCCCLXIV. III. KAL. JANUAR.
AB ANTONIO MARIA AMBROGI
E SOCIETATE JESU.



ROMAE

TYPIS GENEROSI SALOMONI
PRÆSIDUM FACULTATE.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10
PART 1
1880



ORATIO.



UM studiorum nostrorum ratione, atque ordine impedita in communi Europae universae laetitia, dum JOSEPHUS IL. ROMANORUM REX est renunciatus, vox quoque nostra voluntatis, & officii testis non potuerit prodire; nobis a novo in studia literarum introitu loquendi liberam facultatem esse donatam & nobismetipsis, & Gregoriano huic Lyceo gratulamur Quirites: primum quidem, ut nos annum in juvenibus Religione, & Bonis Artibus instituendis laborem a debita Regi tanto obsequii nostri publica significatione feliciter auspicemur; deinde, ut multitudinis etiam hujus, quae huc studiorum causa convenit, voluntas, gaudium, observantia per

nos Principi desideratissimo , & optimo deferatur . Ne-
minem itaque vestrum speramus futurum , qui nostrae
hujus laudationis usque ad hanc diem productam inter-
missionem culpae tribuendam esse putet : neque enim
non intelligebamus , quam bene in iis Comitibus Europae
toti consultum esset ; neque beneficiorum , quae pluri-
ma , & maxima cum ab Augustis Josephi Parentibus ,
tum ab illorum Majoribus Societati nostrae semper fue-
runt collata , adeo eramus immemores , ut in tanto gau-
dio , quod ex Romanorum Regis electione ad omnes
pervenit , nos quoque vel maximè non laetaremur . Alte-
rum ingrati fuisset animi , a quo longè abhorreere nos
apertissimè profitemur ; alterum iniquè aestimantis quae ,
& quanta felicitas in gentes omnes ab illa sit derivata .
Nam si minus consentientibus Suffragatorum consiliis in
Lotharingium Principem judicia non convenissent ; quem-
admodum , tristis armorum formido , & teterrimi belli
acerbitas Germaniae fuisset pertimescenda ; ita , Josepho
futuro Caesare nominato adeo pacata , & tranquilla sunt
omnia , ut , quasi in ejus dignitate Reipublicae salus , &
felicitas contineretur , illi uni demandandum fuisse Im-
perium videatur . Quae cum ita sint ; illud potius optan-
dum mihi esse intelligo , ut a me , cui ad dicendum de
illius laudibus postremus hic locus est datus , aliquid vel
inauditum , vel novum non postuletis Quirites : licet
enim praeclaris ejusdem animi dotibus , & ornamentis
nulla

nulla par inveniri umquam possit oratio ; adeo tamen multa , eaque sapienter proposita , a maximis oratoribus vel apud vos dicta sunt , vel in urbem hanc vestram famae celebratione perlata , ut cujusquam aut ingenio , aut industria nihil istorum praedicationibus addi possit . Quare dabitis mihi hanc veniam , ut , cum JOSEPHUM ROMANORUM REGEM sapientissimi Suffragatores elegerint , atque ita eundem ad Catholicae Ecclesiae tutelam , & Christianae Reipublicae patrocinium futurum Caesarem nominaverint , quam & Religio , & Imperium de illius animo , & virtute conceperint praeclaram spem , eam exornando vobis proponam . Dum enim id , quale , quantumque sit , mecum ipse reputans cogito , tanta mihi in partem omnem lux oboritur , tanta dignitas , ut a rerum dicendarum gravitate , & magnitudine sustentatus , quocumque tandem modo dixerim , debito JOSEPHI II. praeconio minus fortasse videar defuisse .

Atque ut inde laudationis meae initium ducam , unde JOSEPHO ROMANORUM REGE electo certissima Religionis , & Imperii spes planè extitit ; finite me hoc loco utriusque Familiae Lotharingiae , & Austriacae , quae in hoc Principe nunc primò coalescunt , decora , & ornamenta brevissimè percensere . At si illarum Majoribus ad gloriam , & amplitudinem , & ad res magnas bene gerendas divinitus eximia quaedam adjuncta est virtus ; & si Principum eorum , qui aequitate in legibus

VI.

constituendis , pietate in suos , amore in omnes , constantia in rebus adversis , prudentia in agendo , scientia in re militari , ceterisque imperatoriis virtutibus supremum , quem adepti sunt , Regii honoris gradum animis adaequerunt , numquam res gestas obliviscetur , ac semper nomen posteritas commemorabit ; quid mihi nunc judicabitis attingendum prius , quid proponendum posterius ; aut qua contentione vocis , qua gravitate verborum , qua dicendi vi , atque copia hominum excellentissimorum illustria merita , atque adeo praeclaras laudes posse a me exornari putabitis ?

Nam si a Religione in Deum Optimum Maximum , unde regnorum omnium felicitas profluit , ordiri velimus , ea quanta fuerit in nobilissimis utriusque Gentis Majoribus , neminem vestrum latere intelligo . Tempia vetustate collapsa in pristinam formae speciem restituere , maxima aedificare coenobia , cum Sanctissimis illis viris Bernardo , & Norberto conjunctissimè vivere , largitate , & misericordia , qua Principi maxime licet ad Deum proprius accedere , in omnes uti , infimos quosque charitate patria ita complecti , ut profusis fructibus , qui e Regiis vectigalibus perciperentur , nullum pecuniae praestabiliorem usum esse crederent , quàm qui miserorum doloribus mederetur , tempus denique omne non suis aut oblectamentis , aut commodis , sed suorum utilitati transmittendum putare , ita

Simo-

VII.

Simonis, Joannis, Henrici Lotharingorum propria fuisse accepimus, ut illis & Religionis in Deum, & pietatis in suos laus maxima tribuatur. Quid de Rodulpho Auspurgensium Comite vobis dicam, ac de singulari illius in Divinam Eucharistiam obsequio, cui Austriacae Familiae splendor, & dignitas non immeritò adscribitur? Quid victoriam illam contra Ottocarum Bohemorum Regem, quatuordecim hostium millibus caesis, & inimico ipso Rege interfecto, apertissimo Virginis Beatissimae patrocinio a Rodulpho item Imperatore reportatam commemorabo? Quid de Alberto I., de Ferdinando II., & III., de Carolo hujus nominis V., ceterisque Austriacis Imperatoribus loquar, quorum religionis in Deum, ac Superos & in Germania, & in Italia, & Viennae in augustissima civitate, & Florentiae in pulcherrima urbe, & Laureti in sanctissima aede tam illustria extant omnium oculis proposita monumenta?

Infinitus profecto sum, si, quae plurima, atque gravissima rei hujus testimonia in medium afferri possent, ea velim, non dicam oratione complecti, sed, vel per summa quidem capita recensendo, cursim attingere, aut indicare. Nam quis Austriacorum Principum in tuendis Ecclesiae juribus observantiam singularem, quis in Sacerdotii libertate asserenda numquam infractam religiosi animi fortitudinem, quis in Catholicae Fidei aut amplificatione promovenda, aut integritate sanctissimè con-

servanda studium, curas, magnanimitatem, constantiam aequari dicendo, vel satis digna praedicatione celebrari a se posse confidat? Horret animus teterrimum illud tempus commemorare, quo, a Lutherianis foedissima tempestate excitata, funesta errorum colluvies Germaniam penè totam inundavit. Aedes sanctissimae per summum scelus spoliatae; altaria impium in modum aut profanata, aut dejecta; integerrimae virgines furenti improborum libidini prostitutae; singularis Sacerdotum contemptus; funestissima templorum incendia; tristissimus seditionis, & armorum metus; jura denique omnia tum divina, tum humana violata, ita miseris iis temporibus usu communia sunt facta, ut nulla in domo, nulla in urbe, nullo denique in loco, cum gravissimo verae Religionis damno, publicè non cernerentur. Huic autem fatali florentissimarum provinciarum exitio, huic perditio hominum nequissimorum furori, huic effroenatae Lutherianorum amentiae qua cura, quibus artibus, qua animi altitudine, atque constantia Austriaci Principes non obstiterunt? Sanctissimis legibus constitutis; doctissimis, iisque pietate, & sanctimonia spectatis viris collectis; Imperii comitiis indictis; auri, & argenti immensa vi, atque copia erogata; studio omni, atque arte teterrimo morbo medicinam facere conati sunt: illudque tandem consecutos esse fatendum est, ut, si graviora, quae omnino metuebantur damna, haereticorum rabies non intulit,

tulit , id totum Ferdinandi , & Maximiliani Caesarum industriae , laboribus , vigilantiae , sollicitudini , Religioni unicè debeatur .

Quamquam , quid ego haec longo annorum intervallo sejuncta persequor , cum luculentissima , quae ipsi vidimus , aut videre certè potuimus Religionis testimonia in Josephi Parentibus habeamus ? Soleo saepe nuentis acie libentissimè collustrare magnificentissimum Sacellum illud , quod ad posterorum memoriam positum , ac dedicatum esse voluit Franciscus eodem ipso in loco , quo illi , se Imperatorem fuisse electum , nunciatum est . Qua una re Principem Religiosissimum satis ostendisse puto , se Imperatoriam , quam obtinuerat , Dignitatem non Lotharingiae Familiae splendori , non Caroli VI , qui cum ei Filiam avitarum provinciarum , & regnorum omnium jam institutam haeredem nuptui tradidit , fore ut ipse Caesar salutaretur non obscurè indicavit , judicio gravissimo , & maximo , non Regum , ac Principum consanguinitatibus , & amicitiae , non Suffragatorum gratiae , & consensionis , non demum virtuti , ac merito ipsi suo referre acceptam ; verum a Deo O. M. , cujus nutu humanae sortes vertuntur , & a quo rerum omnium vicissitudines gubernantur , unicè sibi collatam intellexisse . Quod quidem religiosi animi testimonium quale , & quantum sit , quotquot , dum ipsa stabit a Caesare constituta aedes , illam conspicient ; & rursus qui multis etiam

A ,

post

post saeculis eam vetustate collapsam videre non poterunt , Francisci tamen pietatem cum audient , rectissimè judicabunt .

De Maria Teresia vero testes sunt Florentini , Senenses , Viennenses , Hungari , Bohemi , Germania denique universa : illi scilicet , cum primum in Etruriam venientem ea , quae fieri potuit maxima , laetitiae , & honoris significatione exciperent , non tam novae Principis comitatem , quàm spectatissimae foeminae religionem mirati sunt . Neque enim hae res , quae in pulcherrima civitate advenas ceteros detinere in primis solent , illam moverunt ; non spectaculorum pompa ab usitato pietatis studio revocavit , non signorum , & tabularum pulchritudo ad cognitionem , non agrorum amoenitas ad delectationem , non denique subditorum amor , Regalis dignitas , fortunae amplitudo ad tranquillitatem , & otium ; sed Virginis Beatissimae ab Angelo salutatae pervetustam , eamque a Florentinis religiosissimè servatam imaginem venerari , illam colere , & frequentissimo inspectante populo perlongo temporis spatio de genu ejusdem patrociniū sibi , suisque faustum adprecari ita oblectamenti omnibus anteposuit , ut Mariam Tereciam non sicut e Germania in Etruriam adductam , sed potius veluti e Coelo delapsam cives intuerentur . Viennenses autem , cum statutis quibusque diebus nullo famulorum comitatu , nulla militum custodia , vestium ,

& or-

& ornamentorum apparatu nullo, demisso vultu, dejectisque in terram oculis publicum templum adire, ibique diutissimè commorari illam videant; cum inter bellorum tumultus aut piis susceptis peregrinationibus, aut publicis institutis supplicationibus a Deo O. M., cujus in potestate bellorum exitus sunt, opem, & auxilium postulantem conspexerint; cum de insperatò reportatis victoriis, de compressa hostium vi, de reddita populis tranquillitate gratias agentem audierint; cum demum extinctis aut militibus, aut ducibus, qui in bello fortiter ceciderunt, piissimè parentantem sint imitati; quid nisi de spectatissimæ Principis singulari pietate, ac religione unquam poterunt cogitare?

Quae cum ita sint, ne in utriusque Familiae immensis propemodùm laudibus recensendis longiùs procedat oratio; si certae quaedam habentur leges, quae ductae a sanguine, quasi natura ipsa animos tacitè edocente, ad eorum imitationem, a quibus longissimè propagati tandem lucis hujus usuram accepimus, nescio quo pacto nos impellunt, & vocant; si praeclara illustrium Majorum ob oculos proposita exempla secretis quibusdam stimulis noctes, diesque nos excitant, ut qui illi fuerint, iidem nos quoque & videamur, & simus; si denique parentum curae maximam in filios vim habent, ut toto vitae suae cursu domesticarum institutionum aemuli, & imitatores exultant: vides profectò, ac planè senti-

❧ XII. ❧

tis JOSEPH ROMANORUM REX, quò tandem tota pertineat , & quid vel ab ipso dicendi initio spectarit oratio mea. Praeclarissimas laudes tuas exornando complexus sum , cum Principum , ac Caesarum praeteritorum in Religionem illustria merita , singularem pietatem , ceterasque , quae in Christiano Rege maximè requiruntur , virtutes enumeravi. Quare ad nominis Tui praecipuum ornamentum illud cogita , debere Te Majores Tuos non tam singulos aemulari , quàm unum exhibere universos ; atque adeo , cum aliquando ad Imperium moderandum perveneris , cogita sapientiae , auctoritatis , diligentiae , constantiae Tuae futurum esse providere , ne ab insensissimis hostibus circumventa aliquid damni capiat Religio , utque nullo umquam pacto illius amplitudo sit imminuta. Itaque jam nunc animo suscipe Catholicae Ecclesiae causam ; suscipe Christianae Reipublicae patrocinium , defensionem , tutelam ; suscipe in fidem , & custodiam Tuam Religionis bene conceptas spes , ut ea quodammodo in Te conquiescens nihil Te imperante , inter acerbissimas aut inimicorum insidias , aut domesticorum conatus , vel integerrimae libertatis , vel antiqui splendoris , vel pristinae dignitatis amittat . Quae omnia ut ita sint , quemadmodum Te Caesare certò expectamus futura , nihil Tibi praeterea curandum esse affirmamus , nisi ut , quod usque a pueritia singulare in Deum , ac Superos pietatis specimen sanctissimis moribus

XIII.

bus exhibuisti, illud in dies studeas confirmare; ut incredibilem animi moderationem, quam in lectissimae Conjugis acerbo interitu omnes sunt admirati, eam Religionis ope velis augere; ut, qui modò tandem es, eundem Te in ultimos quoque diutissimae senectutis annos pergas conservare; ita enim profectò intelligent, & qui futuris temporibus praeclarissimas res gestas audient, aut legent Tuas, piissimo Principi ad optimè imperandum Religionis studium maximè profuisse.

Nam etsi, quae ad Dei O. M. religionem, & cultum pertinent, ea quidem in Principe, ut optimus ille sit, locum primum obtineant oportet; aliae tamen praeterea recensentur, illaeque plurimae Imperatoriae virtutes, quae cum ad bene, feliciterque imperandum omnino requirantur, qui optimus Imperator sit, iisdem carere planè non potest. Tam multa autem, tam varia, tam dissimilia, & impedita ea sunt, quae, ut in officio populi contineantur, civilis disciplinae dicuntur propria, quae vel in praecavendis hostium conatibus, vel in fovenda amicorum gratia regnorum securitatem spectant, quae ab illis requiruntur, qui vectigalia exercent, quae denique sive ad otii stabilitatem, sive ad armorum administrationem pertinent; ut omnia sapienter disponere, quae publicae commoditati prosint, ea promovere, quae noceant, longissimè avertere, pacis ornamenta conservare, subsidia belli non amittere, cuncta demum oport-

portunis sanctionibus constituere , ac feliciter expedire non humani consilii , sed potius divinae mentis esse videatur .

Habetis Quirites , quae olim gravissimae Iosephi erunt curae ; habetis , in quibus paterna Principis amantissimi defudabit industria , quaeque de singulari ejus virtute excellens in Imperio spes sit excitata . Habetis item , quae ejusdem praeclarissimae laudes erunt , quae subditarum gentium felicitas , qui populorum in ipsum amor , quae Principis optimi immortalis , & divina gloria , de qua nulla umquam tam barbara , nulla tam fera posteritas conticescet . Neque enim esse potest quin tanta animi mansuetudo , qua in excipiendis supplicum precibus ille utitur , tanta morum suavitas , quae mitissimo respondet ingenio , tanta in summa rerum fortuna adolescentis Principis moderatio subjectis populis otium , avitis regnis tranquillitatem , Imperio denique toti non interruptam facilitatem sit allatura .

Interdum mecum ipse cogitans suscipio mente , & animo pervagari regna , provincias , Danubium , Rhenum , Oceanum , Italiam , Austriam , Hungariam , Bohemiam , tot disjunctissimas gentes non modò vestitu , & lingua , sed etiam ingenio , & moribus varias , neque tam locorum positu , & coeli conspectu , quàm legibus inter se , & civili institutione dissimiles ; cumque eas omnes Augusti Iosephi Genitoribus parere sciam , illam electi Romanorum Regis futuram olim haereditatem amplissimam vehemen-

hementer laetor Quirites. Immenſos enim tetrarum tractus undique circumſpicienti occurrunt oculis nobiliſſimae civitates, Auguſta Windelicorum, Norimberga, Aquisgranum, Francofurtum, Ratiſbona, Wormatia, aliaeque permultae, illae aut Imperatoriis comitiis, aut praeclaro Patrum delectu, dum de rebus graviffimis ageretur, maximè celebratae, in quibus Caroli, Joſephi, Ferdinandi, Maximiliani, Franciſci, aliorumque Caefarum, qui anteaetis ſaeculis floruerunt, aut invicta conſtantia, aut ſingularis animi magnitudo, aut inaudita ſapientia in implicatiſſimis rerum articulis aeternam Principum Auguſtorum nominibus addidit gloriam. Sua etiam JOSEPHO II. imperante celebrabuntur comitia; ſuis ille pariter Imperii conventibus praefidebit; tunc quoque in diſceptationem vocabuntur negotia graviffima; aderunt, qui bonae cauſae faveant; aderunt, qui partium ſtudio illi ſe opponant, & fortaiſſe nonnulli, qui publicam quoque tranquillitatem perturbare cupiant, ſi poſſint. Ne quid contra Imperii leges ſtatuatur; ut omnia ad aequitatis normam rectiſſimè dirigantur; ne improborum conatibus ulla ex parte labefactetur Reſpublica, illius ſapientiae erit diligentiffimè providere; ita ut neque inanis aſſentationis lenocinio captus, neque fraudulentò verborum ambitu circumventus, quod utile ſuis, quod honeſtum ſibi, id unum ſequatur, & velit.

Neque longè a vero abhorrerè me cenſebitis, puto,

to, Quirites, si dixerim, haec omnia ex primo illo die quo Romanorum Rex est renunciatus; secum cepisse Josephum tacite meditari; quantoque consilio, quanto in suos amore, quanta aequitate, fortitudine, sapientia, constantia sibi opus futurum sit jam nunc praesentientem, praeclarissimorum Majorum res gestas memoria repetendo, ad illorum imitationem mentem, & animum conformare. Habent enim, qui a Deo O. M. ad Regiam dignitatem vocati sunt, incredibiles quosdam animorum motus, quibus ad gloriam consequendam feruntur; quique dies, noctesque illos excitant, ut felici Regnorum administratione digni verae laudis fama & habeantur, & sint. Quare, si quae perpetuò versat animo, ea liceret nobis penitus intueri, & cognoscere, modò Adolescentem Principem Illirici maris oras cogitatione lustrantem videremus, gentesque illas, quarum ne nomen quidem audivissetis Quirites, nisi eas Martis vis e suis latebris in lucem prodire coegisset. Feritate barbarae illae sunt, & nullo humanioris vitae studio excultae; & inde scopuloso mari, hinc asperrimis montium tractibus undique circumclusae, cum aliarum gentium felicitatem ignorent, sese vel in ipsa miseria infelices non sentiunt. Illarum rusticitati, & aerumnis, si tamen Mariae Terebiae materno amoris, quo populos eos quoque complexa est, quidquam addi ulterius possit, opem aliquam ferre Princeps amantissimus optat; ut, si aliquan-

quando posita immanitate incipiant moribus mansuescere; & bonis artibus, & vitae commodis, quibus huc usque parentes caruerunt, filiis, ac nepotibus, eo procurante, frui concessum sit. Modò difficili, periculosoque bello vastatos agros, direptas urbes, afflictos cives commiserantem inveniremus; cumque ab Augusto Patre didicerit, ita suorum commodis, Regio etiam laxato aerario, prospicere, ut, dum vicinae provinciae tristissimo calamitatis aut incommodo, aut metu aut laborarent, aut angerentur, ii, paterna Principis cura, veluti in ipso tranquillitatis sinu placidè conquiescerent; quo tandem animo tot familiarum solitudinem, & orbitatem, tot miserorum squalorem, & lacrimas, tantam florentissimorum regnorum perniciem, & labem Josephum ferre posse arbitrabimur? Sanè, si humanissimo Regii Adòlescentis ingenio; rursus, si paterni exempli institutionibus id non concedamus, quod ille pacata omnia, & tranquilla, omnium felicitatem, & otium, nullius miseriam, & interitum vehementissimè exoptarit, mitissimo Principi iniqui esse videamur necesse est. Modò Hungariae fines diligentissimè considerantem intueremini, secumque animo perpendentem quo consilio, quibusque artibus florentissimi illius Regni securitati certius in dies valeat provideri. Oblitum illum quidem nolite credere, praestantissimi Avi sui Caroli VI. mandato, ac jussu Franciscum Patrem Hungarici Regni urbes, & propugnacula recognovisse; in
qua

qua expeditione nemo certè Lotharingii Ducis aut diligentiam, aut industriam, aut curam, aut operam requisivit. Etenim quàm multa tunc ab ipso aut minus tuta novis praefidiis sunt communita, aut minus firma magnis laboribus, & impensis sunt restituta, aut penè nulla a fundamentis sunt excitata? Intelligit ille tamen metuenda esse omnia a finitimis hostibus, qui & teterrimi sunt, & multitudine innumerabiles, & in pugnandi arte si minus perfecti, non parum tamen ab acerbissimis, quas saepius acceperunt, cladibus eruditi. Memorant ii a Germanorum armis Othomano nomini inustum dedecus, & Caroli illius Lotharingii, & Eugenii Principis memoriam execrantes saepe retorquent oculos ad urbes illas, quas e suis faucibus ereptas dolent; neque, si induciis intercedentibus ab armis cessant, & hoc Mariae Teresiae virtuti obsequium praestant, ut stent promissis, illos umquam aut accepti damni oblitos, aut ulciscendae injuriae, atque adeo atrocioris vindictae non esse cupidos putandum est.

Quamquam ad arma provocent impurissimi hostes, & in media acie Romanorum Regis virtutem, & animum experiantur: erit fortasse, ut post invictissimi Patris imperium Augusti Filii armis prostratos, ac fufos infani furoris, & non ferendae audaciae serò quidem, sed tandem aliquando illos poeniteat. Etenim Quirites, dum belli gravissimo incendio Germania quasi univer-
sa

fa conflagraret , dum florentissima regna hostium incur-
sionibus vastarentur , dum fato nescio quo misero , &
infelici nobilissimarum provinciarum agri humano san-
guine redundarent ; quoties Adolescentem Principem non
militum ferocitatem extimescentem , non incerto prae-
liorum exitu perterrefactum , non vitae ipsius periculo
commotum inter pugnantium tumultus , & arma versa-
ri desiderantem audistis ? Scilicet in natis summo loco ado-
lescentibus animos habet suos aetas quoque puerilis ; ea-
que secretis quibusdam stimulis concitatur , ut pro lau-
de vitam ipsam profundere non recuset . Hinc qua lae-
titia exultantem , quibus gaudiis gestientem viderunt sui ,
si quid ab Austriacis copiis prosperè , feliciterque gestum
narraretur ; & Josephum de ducibus , de militibus , de
hostium conatu , atque vi , de loci opportunitate , de
pugnae ratione , de victoria denique quàm diligenter
interrogantem sunt admirati ? Sin autem gravius nun-
cium aliquod aures perculisset , varia enim , & mutabilis
humanorum eventuum fors est , in communi aulae totius
moerore , & vehementissimè commotum se acerbissimo
suorum interitu , & incredibili ulciscendae calamitatis
studio inflammatum , & cum defluentes lacrimas Ado-
lescens magnanimus continere vix posset , multò gene-
rosiorem se , quàm a tenera illa aetate fuerat postulan-
dum , ostendit ; & nisi sapientissimum moderatorum con-
siliium , ipsa Augustorum Parentum auctoritate interposi-
ta ,

ta, effervescentem animi ardorem cohibuisset, quemadmodum olim Pompejum illum Magnum, adolescentia ineunte, maximi exercitus imperatorem habuerunt Romani, non dissimili rursus aetate adolescentiam suam ad rei militaris scientiam non alienis praeceptis, sed suis imperiis Josephum traduxisse audivissetis. Nolite tamen putare, singularem hanc armorum, & militiae cupiditatem in Josepho, quasi maturioris aetatis fructum aliquem, subcrevisse; quin ad immortalem illius gloriam unà cum ipso natam, & quasi ab incunabulis patefactam recordamini. Quem enim vestrum ignorare, aut quem oblivioni mandasse putem auspiciatissimam diei illius recordationem, quo die Maria Tereſia filium infantulum e materno sinu pendentem, & manu gladium tractantem fidelissimis Hungariae populis ex equo sublimis ostendit? Hujusmodi conspectus inusitato quodam, ac subito pietatis, & amoris sensu ita praeclaræ illius gentis commovit animum, ut statim, quibusque nobilissimis conjurantibus, ad quadraginta Hungarorum millia vix ab ubere depulsum ducem secuti sint: quorum virtute, atque armis, ejectis hostium copiis, compressis adversariorum conatibus, tetri, periculosisque belli incendio restincto, pueruli unius conspectui otium vexata Bohemia, libertatem afflicti populi, tranquillitatem denique Germania universa debere se apertissimè profiteri non recusarunt. Susceptis autem ab ineunte aetate ejusmodi non tam con-

jectu-

jecturis, quàm futurae virtutis, atque praestantiae certissimis argumentis, mirerne, an ob hanc ipsam incredibilem naturae excellentiam mirandum non putem, quod tanta gentium omnium consensione, ut idem Rex Romanorum eligeretur, diù, multùmque optatum sit? Accessere praeterea propè divinis illis puerilis aetatis initiis Imperatoriae Parentum institutiones; accessere virtutum omnium praeclarissimarum domestica exempla; accessit literarum, & artis cujusque ingenuae studium singulare; quibus tandem effectum est, ut mira Suffragatorum concordia, maximaque Christiani orbis totius laetitia Regium Nomen, atque adeo Imperatoria Dignitas non JOSEPHO II. donata, sed planè illius virtuti, ac meritis sit retributa.

Tu verò interea Princeps Auguste, dum tam apertis laetitiae significationibus, effusisque laudum praconiis electionem hanc Tuam gentes omnes sunt prosecutae, gaude isto Tuo Regio Nomine, quod meritò adeptus es, & tecum ista frui cogitatione, quod illud non tam Regum, ac Principum consensioni, & gratiae, non tam nobilissimae Familiae Tuae dignitati, atque opibus, quàm Tibi ipsi, & iis, qui in Te jam a puero spectati sunt mores, referre debeas acceptum. Vides profecto e sublimi isto gradu, in quo es collocatus, omnium oculos in Te converfos; vides, quid Tui, quid exterarum gentes, quid ipsa posteritas a Te expectent;

cum-

cumque ROMANORUM REX sis salutatus, intelligis in Te uno quasi Europae universae tranquillitatem contineri. Diù itaque, & incolumis vive, quod omnes optant, & a Deo precantur; neque enim Tibi soli jam vivis; sed vivis Augustae Familiae Tuae splendori, populorum felicitati, & desiderio, gloriae, & laudibus Tuis, aetatum memoriae sempiternae, spei tandem illi, quam Religio, & Imperium in Te certissimam posuere; cumque ad tantarum aut virtutum, aut ornamentorum Tuorum cumulum accessio nulla fieri posse videatur, illud unum nobis optandum restat, ut, cum Imperio diutissimè administrato satietate vivendi naturam expleveris, qui futuris saeculis nascentur, quam pietatem, & observantiam in Deum, quam clementiam in subditos, in ceteros humanitatem, quam in rebus gerendis sapientiam, integritatem, constantiam, in bello, & armis felicitatem, ac gloriam in Te florere aetas nostra intuebitur, eandem in Filiis, atque Nepotibus ad Nominis, & Familiae Tuae laudem sempiternam perpetua successione propagatam sentiant, teque nostris hisce temporibus ROMANORUM REGEM fuisse electum sibi meritò gratulentur.